



[NACRT]

## POSLOVNIK O RADU

### ZAJEDNIČKI UPRAVNI ODBOR ZA REALIZACIJU OKVIRA SARADNJE UJEDINJENIH NACIJA ZA ODRŽIVI RAZVOJ ZA PERIOD 2021.-2025. ZA BOSNU I HERCEGOVINU

#### Član 1.

##### (Predmet Poslovnika o radu)

- (1) Ovim Poslovníkom regulira se način i djelokrug rada, prava i obveze članova Zajedničkog upravnog odbora, kao i druga pitanja od značaja za rad Zajedničkog upravnog odbora, a u skladu sa preuzetim obvezama iz „Okvira suradnje za održivi razvoj između Ujedinjenih nacija i Bosne i Hercegovine u periodu 2021.-2025.“ (u daljenjem tekstu: Okvir suradnje)

#### Član 2.

##### (Sastav Zajedničkog upravnog odbora)

- (1) Sastav Zajedničkog upravnog odbora utvrđen je Odlukom o formiranju Zajedničkog upravnog odbora između Ujedinjenih nacija i Bosne i Hercegovine za provedbu „Okvira suradnje za održivi razvoj između Ujedinjenih nacija i Bosne i Hercegovine u periodu 2021.-2025“ (Službeni glasnik BiH, broj: 38/22) i imenovanjima predstavnika Agencija Ujedinjenih nacija, sukladno internim procedurama Ujedinjenih nacija.
- (2) Sastav Zajedničkog upravnog odbora čine:
  - a) gosp. Vjekoslav Bevanda, dopredsjedavajući i ministar financija i trezora ispred Vijeća/Savjeta ministara Bosne i Hercegovine,
  - b) gđa. Ingrid Macdonald, rezidentna koordinatorica UN-a u Bosni i Hercegovini,
  - c) gđa. Edita Đapo, ministrica okoliša i turizma ispred entitetske Vlade Federacije Bosne i Hercegovine,
  - d) gosp. Zlatan Klokić, ministar evropskih integracija i međunarodne saradnje ispred entitetske Vlade Republike Srpske
  - e) gosp. Esed Kadrić, gradonačelnik Brčko distrikta Bosne i Hercegovine,
  - f) gđa. Steliana Nedera, rezidentna predstavnik UNDP-a u Bosni i Hercegovini,
  - g) gđa. Rownak Khan, predstavnik UNICEF-a u Bosni i Hercegovini,
  - h) gđa. Laura Lungarotti, šefica misije IOM-a u Bosni i Hercegovini,
  - i) gosp. Siniša Šešum, šef kancelarije UNESCO-a u Bosni i Hercegovini.
- (3) Zajedničkim upravnim odborom dopredsjedavaju dopredsjedavajući i ministar financija i trezora BiH i rezidentna koordinatorica UN-a u BiH.
- (4) U slučaju spriječenosti prisustva i učešća u radu jednog od članova Upravnog odbora, isti je dužan imenovati zamjenika sa odgovarajućeg nivoa vlasti u BiH ili Ujedinjenih nacija u BiH.

- (5) U slučaju trajne spriječenosti prisustva i učešća u radu bilo kojeg člana Upravnog odbora, predsjedavajući i kopredsjedavajuća Upravnog odbora, će izvjestiti Vijeće ministara, odnosno Ujedinjene nacije o konkretnom slučaju, te zatražiti potvrdu imenovanja zamjenskog člana u skladu s procedurama imenovanja članova Upravnog odbora
- (6) Vijeće/Savjet za Ciljeve održivog razvoja (SDG) u BiH povezano je s radom Zajedničkog upravnog odbora u svojstvu savjetodavnog tijela bez prava glasa, u cilju osiguranja podrške u usklađivanju i komplementarnosti Okvira saradnje sa specifičnim ciljevima i prioritetima iz Ciljeva održivog razvoja u Bosni i Hercegovini i ukupnom provedbom Okvira za realizaciju Ciljeva održivog razvoja u BiH. Zastupljenost Vijeća/Savjeta za Ciljeve održivog razvoja u sastavu Zajedničkog upravnog odbora utvrđuje se u dogovoru sa Vijećem/Savjetom za Ciljeve održivog razvoja u BiH.
- (7) Ured rezidentnog koordinатора UN-a u BiH, u koordinaciji sa Uredom ministra financija i trezora BiH, pruža uslugu sekretarijata i osigurava podršku u pripremi odluka i preporuka Zajedničkog upravnog odbora te administrativnu i tehničku podršku, uključujući podršku u pripremi sastanaka, vođenju zapisnika sa sastanaka i vođenju evidencije o materijalima sa sastanaka, kao i u obavljanju svih ostalih aktivnosti u vezi sa mandatom Zajedničkog upravnog odbora.

### **Član 3.**

#### **(Sastanci Zajedničkog upravnog odbora)**

- (1) Sastanci Zajedničkog upravnog odbora održavaju se na poziv dopredsjedavajućih Zajedničkog upravnog odbora i sazivaju se po potrebi, a najmanje jednom godišnje.
- (2) Za *ad hoc* pitanja koja zahtijevaju hitnu pažnju, Zajednički upravni odbor može vršiti svoju funkciju elektroničkim putem.
- (3) U rad mogu biti uključeni predstavnici relevantnih institucija na svim nivoima vlasti u BiH, predstavnici Evropske unije, međunarodnih finansijskih institucija, bilateralni donatori i stručnjaci za pitanja od interesa koji mogu dati doprinos u diskusijama po pitanjima sa dnevnog reda Zajedničkog upravnog odbora, u svojstvu posmatrača ili izvjestitelja, po potrebi i na poziv dopredsjedavajućih Zajedničkog upravnog odbora.

### **Član 4.**

#### **(Odgovornosti Zajedničkog upravnog odbora)**

- (1) Zajednički upravni odbor zadužen je za:
  - a) osiguranje strateških smjernica i nadzora nad realizacijom Okvira saradnje za period 2021. do 2025. godine, osiguravajući njegovo potpuno usklađivanje sa Ciljevima održivog razvoja i drugim prioritetima u BiH.
  - b) koordiniranje aktivnosti svih nivoa vlasti u BiH i UN-u u vezi sa realizacijom Okvira saradnje za period 2021. do 2025. godine.
  - c) pregled i odobravanje dvogodišnjih Zajedničkih planova rada UN-a kao podrška provedbi Okvira saradnje za period 2021. do 2025. godine, kao i godišnjih izvještaja o rezultatima Okvira saradnje.
  - d) podržavanje aktivnosti usmjerenih ka partnerstvu i mobilizaciji resursa za implementaciju Okvira saradnje za period 2021. do 2025. godine u okviru šireg koncepta finansiranja Ciljeva održivog razvoja.
- (2) Svaki član Zajedničkog upravnog odbora, kako je definisano članom 2. tačkom 1, predstavlja tijelo ispred kojeg je imenovan i odgovoran je za koordinaciju aktivnosti, uključujući i razmjenu informacija i prikupljanje ulaznih informacija unutar i u ime tog tijela po potrebi i u vezi s provedbom aktivnosti iz člana 4. tačka 1.

**Član 5.**  
**(Kvorum i dokumenti)**

- (1) U svrhu provođenja aktivnosti definisanih odredbama člana 4, Zajednički upravni odbor kako je uređeno odredbama člana 2. tačka 2, usvaja zaključke i preporuke i formalizira ih ili kroz zapisnike sa sjednica Zajedničkog upravnog odbora ili elektroničkom komunikacijom, po potrebi.
- (2) Svi zaključci i preporuke usvajaju se konsenzusom i od strane svih članova Zajedničkog upravnog odbora, kako je utvrđeno članom 2. tačkom 2.

**Član 6.**  
**(Trajanje mandata Zajedničkog upravnog odbora)**

Mandat Zajedničkog upravnog odbora započinje danom stupanja na snagu odluke Vijeća/Savjeta ministara BiH i traje do kraja Okvira saradnje za period 2021. do 2025. godine.

**Član 7.**  
**(Stupanje na snagu)**

Poslovnik stupa na snagu na dan inauguralne sjednice Zajedničkog upravnog odbora, na kojem ga usvajaju članovi Zajedničkog upravnog odbora.